

## ხელშეკრულება № 57

### სახელმწიფო შესყიდვის შესახებ

ქ. ბათუმი

2015 წლის 26 აგვისტო

ერთი მხრივ, შპს „სარაგბო კლუბი ბათუმი“ (მისამართი: ქ. ბათუმი, ლუკა ასათიანის ქ. 25) წარმოდგენილი დირექტორის მამუკა ჩანტლაძის სახით (შემდგომში წოდებული „შემსყიდველად“) და მეორე მხრივ ფ/პ ალიკ ხაჩატრიანი პ/ნ N 61007006682 (შემდგომში წოდებული „მიმწოდებლად“), ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-2 თავის მე-10<sup>1</sup> მუხლის მე-3 პუნქტის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანების მე-3 მუხლის 1 პუნქტის ა) ქვეპუნქტით, შპს სარაგბო კლუბი ბათუმის საჭიროებისათვის სპორტული ინვენტარის (დასაჯახებელი ბალიშების) შეკეთების მომსახურების შესყიდვის მიზნით (CPV 98393000), გამარტივებული შესყიდვის ფორმით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება
  - 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
  - 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
  - 1.3. „დღე“, „კვირა“, „თვე“ – კალენდარული დღე, კვირა, თვე.
  - 1.4. „შემსყიდველი“ – ორგანიზაცია, რომელიც ახორციელებს შესყიდვას.
  - 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
  - 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი;
2. ხელშეკრულების საგანი
  - 2.1. ხელშეკრულების საგანს წარმოადგენს საკონტაქტო და დასაჯახებელი (დიდი და პატარა) ბალიშების შეკეთების მომსახურების შესყიდვა ფასების ცხრილის შესაბამისად (დანართი №1)
3. ხელშეკრულების მოქმედების ვადები.
  - 3.1. ხელშეკრულება ძალაში შედის მისი ხელმოწერიდან ანუ 2015 წლის 26 აგვისტოდან და მოქმედებს 2016 წლის 31 იანვრის ჩათვლით.
  - 3.2 ხელშეკრულებით განსაზღვრული მომსახურების გაწევის ვადათ განსაზღვრულია 2015 წლის 26 აგვისტოდან 2015 წლის 31 დეკემბრამდე.
4. ხელშეკრულების ჯამური ღირებულება
  - 4.1 ხელშეკრულების ჯამური ღირებულება შეადგენს **2000(ორიათასი) ლარს.**
  - 4.2 ხელშეკრულების ჯამური ღირებულება შეიცავს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.
5. მომსახურების გაწევის ადგილი და წესი
  - 5.1. ხელშეკრულებით გათვალისწინებული მომსახურების მოწოდების ადგილი მდებარეობს მისამართზე: ქ. ბათუმი, ბარათაშვილის ქ. 28 შპს „სარაგბო კლუბი ბათუმი“-ის ადმინისტრაცია; მომსახურების მოწოდება ხდება ერთჯერადად ამ ხელშეკრულების დადგენილი წესის მიხედვით;





6. მხარეთა ვალდებულებები:

6.1. მიმწოდებელი ვალდებულია მოაწოდოს შემსყიდველს ამ ხელშეკრულების 2.1. პუნქტში მითითებული უნაკლო მომსახურება;

6.2. თუკი ხელშეკრულების 2.1 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი;

6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

6.4. შემსყიდველი ვალდებულია მიმწოდებლის მხრიდან მომსახურების მოწოდების შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6.6. მიწოდებულ მომსახურებაზე ვრცელდება ერთწლიანი საგარანტიო ვადა, რომლის განმავლობაში მომსახურების შესყიდველისაგან დამოუკიდებელი მიზეზების გამო მწყობრიდან გამოსვლის შემთხვევაში მიმწოდებელი ღებულობს ვალდებულებას მისი გარემონტების თაობაზე;

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;

7.2. ანგარიშსწორება განხორციელდება შემდეგნაირად: უნაღდო ანგარიშსწორებით, მიმწოდებლის მიერ შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში;

7.3. შესყიდვისას წინასწარი (ავანსი) ფორმის ანგარიშსწორება არ გამოიყენება;

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე;

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელების მიზნით „შემსყიდველის“ მხრიდან ხელშეკრულების ინსპექტირებას განახორციელებენ:

მამუკა სალუქვაძე - შპს სარაგბო კლუბი ბათუმის მენეჯერი

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით;

9. შესყიდვის საგნის მიღება-ჩაბარების წესი


9.1 მომსახურება ჩაითვლება მოწოდებულად მხარეების მიერ შესაბამისი მიღება-ჩაბარების აქტის ხელმოწერის შემდეგ;

9.2. ხელშეკრულებით გათვალისწინებული მომსახურების მოწოდება ჩაითვლება მიღებულად, მას შემდეგ რაც მიმწოდებლის მიერ წარმოდგენილი იქნება შესაბამისი საგადასახადო დოკუმენტაცია და შემსყიდველის მხრიდან არ არის გამოვლენილი ხარვეზი.

10. ხელშეკრულების შეწყვეტა

10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:



*[Handwritten signature]*  
2



- ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
- ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) მიმწოდებლის მიმართ დაიწყო გაკოტრების საქმის წარმოება;
- ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა.

11.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტი-თვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.



*[Handwritten signature]* 3



13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმებულს მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია ორი თანაბარი იურიდიული ძალის მქონე ეგზემპლარად (ერთი რჩება შემსყიდველს, ერთი – მიმწოდებელს).

მხარეთა რეკვიზიტები:

შემსყიდველი:

მიმწოდებელი:

შპს სარაგზო კლუბი ბათუმი“  
ქ. ბათუმი, ლუკა ასათიანის ქ. 25  
საიდ. კოდი 445393495

ფ/პ ალიკ ხაჩატრიანი  
პ/ნ N 61007006682  
ს.ს თიბისი ბანკი -ს  
საბანკო კოდი TBCBGE 22  
ა/ა GE25 TB 1026245161622336

სს ვიტები ბანკი ჯორჯია  
ა/ა GE07VT550000000133498

ფ/პ ალიკ ხაჩატრიანი

დირექტორი მამუკა ჩანტლაძე





მომსახურების რაოდენობისა და ღირებულების შესახებ

ხარჯთაღრიცხვა

საქონლის დასახელება	ერთეულის ფასი
შერკინიების საზღვა - ბალიშის შეკეთება	50 ლარი
საკონტაქტო დიდი ბალიშის შეკეთება	30 ლარი
საკონტაქტო საშუალო ბალიშის შეკეთება	25 ლარი
საკონტაქტო პატარა ბალიშის შეკეთება	15 ლარი
შესაჭიდი დიდი ბალიშის შეკეთება	81.25 ლარი
შესაჭიდი საშუალო ბალიშის შეკეთება	50 ლარი
შესაჭიდი პატარა ბალიშის შეკეთება	15 ლარი
<b>სავარაუდო თანხა:</b>	<b>2000 ლარი</b>

**შენიშვნა:** შესაძლოა შესაკეთებელი ბალიშების შეკეთების თანხა გაიზარდოს ან შემცირდეს დაზიანებული ბალიშის მოცულობისა და ხარისხიდან გამომდინარე. შესყიდვის (მომსახურების) საერთო ღირებულების არ უნდა აღემატებოდეს **2000** (ორიათასი)ლარს.

  
(ხელმოწერა)

  
(ხელმოწერა)